



Նորայր Մանվելյան

Պարի

Պարի՛, եթե նույնիսկ գուգրնկերդ պահի

հուշախնդդ ազդեցությամբ նրա երեսն ունի,

նրա ձեռքի ու հայացքի բոցն ունի,

մի՛ կանգնիր, պարի՛:

Պարի, որ կյանքի անկանոն հոսքից

դուրս շրնկնես մի որոշյալ փուսը,

որի շոշափելի չորս պատերի լույսը

մի օր պիտի մարի,

Պարի՛, որ այդ անտեր սենյակի դուռը կուտրես

հնարքով մի հիասքանչ ու գտնես

սպոնտանության սթափեցնող համբույրը հոգնած ճակատիդ:

Պարի՛, եթե շուրջփուրը ծիծաղում են քո... իրենց չպարելու վրա:

Պարի՛, բարեկա՛մս, պարի՛,

այս կյանքը չի սիրում ծավաժ ձեռքեր կամ թափթփված ուտեր,
սիրո և գեղեցիկի ճամփորդներին է սիրում,
դրա համար՝ պարի՛:

Խելապտույտ ու ջերմ գրկի մեջ առ դիմացինիդ,
տուր այն ինչ մնացել է՝ անմնացորդ, անհետևանք, անհաշվետու,
Տուր, որ ստանաս, բացվիր, որ զգաս,

Մերկացիր, որ այլևս չվախենաս դիմակդ կորցնելուց:

Պարի՛, քանի եռում է արյանդ խինդը, քանի ատամ ունես, պարի՛,
քանի մանկանդ չես սպանել ի սպառ, քանի գինին գերում է քեզ,
քանի սիրտդ երգել գիտի, քանի ժպիտը քո ընկեր ունի,
քանի անցորդը կյանքումդ տեղ ունի,

Ընկեր իմ, դու միայն պարի՛: